

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-859/18
Sarajevo, 6.6.2018. godine

Z A P I S N I K

**22. sjednice Doma naroda Parlamenta Federacije Bosne i Hercegovine, održane
10. maja i 6. juna 2018. godine**

Sjednica je počela u 12:22 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne delegate, delegata Josića koji je u međuvremenu stigao i zamjenicu predsjednika Vlade Federacije Jelku Milićević.

Izostanak sa sjednice opravdali su delegati: Predrag Kojović i Mile Marčeta.

Na osnovu evidencije Stručne službe, predsjedavajuća je konstatirala da sjednici prisustvuje 49 delegata, što čini većinu pa Dom naroda može raditi i punovažno odlučivati.

Predsjedavajuća je predložila delegatima Doma naroda da prije prelaska na dnevni red usvoje zapisnike sa 13.,15.,16.,17.,18. vanredne sjednice i Zapisnik sa 21. sjednice Doma naroda Parlamenta Federacije.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine sa 47 glasova za i jednim suzdržanim glasom bez primjedbi usvojio Zapisnik sa 13. vanredne sjednice Doma naroda Parlamenta Federacije održane 21. septembra 2017. godine.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine sa 44 glasa za i četiri suzdržana glasa bez primjedbi usvojio Zapisnik sa 15. vanredne sjednice Doma naroda Parlamenta Federacije održane 7. decembra 2017. godine.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine sa 44 glasa za i četiri suzdržana glasa bez primjedbi usvojio Zapisnik sa 16. vanredne sjednice Doma naroda Parlamenta Federacije održane 19. januara 2018. godine.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine sa 43 glasa za i tri suzdržana

glasa bez primjedbi usvojio Zapisnik sa 17. vanredne sjednice Doma naroda Parlamenta Federacije održane 25. januara 2018. godine.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine sa 43 glasa za i dva suzdržana glasa bez primjedbi usvojio Zapisnik sa 18. vanredne sjednice Doma naroda Parlamenta Federacije BiH, održane 19. aprila 2018. godine.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine sa 42 glasa za i dva suzdržana glasa bez primjedbi usvojio Zapisnik sa 21. sjednice Doma naroda Parlamenta Federacije Bosne i Hercegovine, održane 27. aprila, 1. juna, 6. jula i 21. septembra 2017. godine.

Predsjedavajuća je podsjetila delegate da, na osnovu člana 104. Poslovnika o radu Doma naroda Parlamenta Federacije Bosne i Hercegovine delegati mogu postavljati delegatska pitanja, pokretati inicijative i izraziti nezadovoljstvo dobijenim odgovorima.

Delegatska pitanja i inicijative

Željko Mirković je postavio dva delegatska pitanja. Prvo pitanje je uputio Ministarstvu sigurnosti Bosne i Hercegovine, Agenciji za istrage i zaštitu, Federalnoj upravi policije, Tužilaštvu Federacije BiH, Vijeću za štampu BiH, RAK-u i Univerzitetском teleinformatičkom centru u čijoj nadležnosti je BA domena. Zanimalo ga je da li se provode aktivnosti u pogledu otkrivanja i sprečavanja zloupotreba i nezakonitih djelovanja koje se, kako je naveo, svakodnevno čine upotrebom informatičke i komunikacijske tehnologije, sa posebnim osvrtom na lažno predstavljanje, širenje lažnih vijesti i neistina, klevetanje i govor mržnje na internet stranicama i društvenim mrežama koje su "očito postale poligon za nesmetano širenje takvih sadržaja". Tražio je da navedu da li su i koje mjere preduzeli u cilju sankcionisanja otvorenog širenja lažnih vijesti i govora mržnje u internet medijima i na društvenim mrežama i upitao je da li su osobe koje upućuju prijete, šire mržnje i druge neprihvatljive sadržaje podvrgnute odgovornosti. Također ga je zanimalo ko je odgovoran i nadležan u BiH za funkcionisanje društvene mreže facebook (fejsbuk) i za sprečavanje navedenih pojava.

Drugo pitanje je postavio Vladi Federacije, a zanimalo ga je da li Vlada Federacije poduzima mjere po pitanju migrantske humanitarne krize koja je, kako je naveo, prisutna i u USK-u i u Sarajevskom kantonu te koja rješenja dolaze u obzir s tim ljudima u budućnosti.

Tomislav Mandić je postavio dva pitanja. Prvo pitanje informatičke prirode uputio je Ministarstvu finansija, odnosno ministrici Jelki Milićević. Ono se odnosi na Zakon o naftnim derivatima u FBiH koji je stupio na snagu 10. jula 2014. godine, a kojim je uspostavljen Institut takse za uspostavu rezervnih naftnih derivata. Pitanja glase: Koliko je takse prikupljeno na današnji dan? Da li je ovaj prihod utrošen i u koje svrhe i u kojem obimu je ispunjena svrha prikupljanja takse u smislu uspostavljanja rezervi naftnih derivata? Drugo pitanje za koje je naglasio da ga je već ranije postavljao više

puta, uputio je Adnanu Terziću, Upravi Javnog preduzeća Autocesta Federacije BiH, Ministarstvu komunikacija i prometa i predsjedniku Vlade Federacije, a ono glasi: Kakav je status konkursa za izgradnju dionice Počitelj-Zvirovići i po kojoj proceduri će se provoditi ponovljeni konkurs?

Sljedeće pitanje uputio je Vladi Federacije, direktoru Javnog preduzeća Autoceste Federacije BiH i nadležnim ministarstvima i zanimalo ga je da li će Vlada podržati inicijativu za pristup izmjenama pojedinačnih sporazuma o kreditiranju sa Evropskom investicijskom bankom na način da se u njih unese odredba koja omogućava primjenu Zakona o javnim nabavkama u pogledu pravne zaštite i korištenja pravnih lijekova predviđenih zakonom u procedurama javne nabavke koji se finansiraju iz kredita Evropske investicijske banke.

Ismet Sarajlić je uputio inicijativu u ime Udruženja građana „Geopa“ iz Zenice. Inicijativa se odnosi na izmjene i dopune Zakona o korištenju obnovljivih izvora energije i efikasne kogeneracije Federacije BiH kao i izmjene i dopune Zakona o električnoj energiji Federacije BiH.

Željko Josić je uputio Inicijativu prema Agenciji za vodno područje rijeke Save. Inicijativa je za poduzimanje aktivnosti na rekonstrukciji dijela područja Posavskog kantona, uz rijeku Savu, a koje je nakon zahvata na obnovi objekata vodne infrastrukture i dalje pod rizikom. Drugu inicijativu uputio je premijeru Vlade Federacije BiH, Fadilu Novaliću, da prilikom organiziranja posjeta Federaciji BiH posjećuje lokalne zajednice bez obzira na politički predznak lokalne vlasti.

Dražen Matišić je postavio pitanje Federalnom ministarstvu okoliša i turizma u vezi prekidanja postupka izdavanja okolišne dozvole investitoru Regionalni centar za upravljanje otpadom d.o.o. iz Gornjeg Vakufa-Uskoplja za izgradnju regionalne sanitarne deponije na lokaciji rudnika uglja Gračanica u Gornjem Vakufu-Uskoplju. Zanimalo ga je zašto odmah nije bio donesen Zaključak kojim se odbija zahtjev podnosioca za izdavanje okolišne dozvole budući da, naglasio je, zahtjev bio neosnovan i da isti u datom roku nije otklonio nedostatke zahtjeva te je iz Presude Kantonalnog suda u Sarajevu bilo vidljivo kako nisu ispunjene zakonske pretpostavke da se postupak prekine.

Damir Jukić je postavio dva pitanja. Prvo pitanje je postavio premijeru Federacije BiH. Pitanje glasi: Zašto nije ispoštovan Zaključak Doma naroda Parlamenta Federacije BiH kojim je obavezana Vlada Federacije da u parlamentarnu proceduru dostavi novi Nacrt Zakona o pripadnosti javnih prihoda i kada će taj Nacrt biti dostavljen?

Drugim pitanjem je zatražio od Federalne uprave za inspeksijske poslove da mu dostave podatak koliko ima zaposlenih u toj upravi sa posebnim naglaskom i tabelarnim prikazom nacionalnog sastava svih uposlenika i sa posebnim osvrtom na rukovodeće kadrove i također ga zanima da li je ispoštovana odredba člana 2. Zakona o državnoj službi u Federaciji BiH.

Aner Žuljević je postavio niz pitanja Federalnom ministarstvu poljoprivrede: Koje veterinarske organizacije su dobile transfer predviđen Budžetom Federacije? Koliki je iznos tog transfera po veterinarskim organizacijama, opštinama i kantonima te po

kojim kriterijima? Koje veterinarske dijagnostičke ustanove su dobile transfer predviđen Budžetom, koliki je iznos tog transfera i po kojim kriterijima? Tražio je odgovor kakva je epidemiološka situacija u Federaciji po pitanju bolesti koje su predmet kontrole, a naročito bruceloza, da li je program smanjio broj slučajeva i u kojem obimu, i kakvo je sadašnje stanje sa brojem oboljelih životinja i stada?

Koja fizička i pravna lica u Federaciji su izgubila naknadu štete za uginule, ubijene i uklonjene životinje (dati tačan iznos naknada, broj uklonjenih i ubijenih životinja i visinu naknade koja je isplaćena fizičkim i pravnim licima ukupno i po životinji)?

Na koji način su uklonjene životinje? Šta je urađeno sa leševima životinja? Na kojim lokacijama je izvršeno uklanjanje i da li je moguće da odgovarajuća stručna institucija izda potvrdu da je njihovo uklanjanje izvršeno na način da su minimizirani rizici za dalje širenje bolesti?

Vladi Federacije je postavio dva pitanja. Prvo pitanje je da li Vlada Federacije zbog tendencije u naglim promjenama cijena goriva planira ikakve mjere u smislu terminala, angažovanja određene količine goriva čime bi trebali da ublaže efekte promjena cijena?

Drugo pitanje se odnosi na dostavljanje informacije o razlozima nepostizanja dogovora u vezi raspodjele osiguranog novca? On traži da Vlada Federacije iziđe sa jednom informacijom prema Domu naroda kojom će objasniti šta se dešava s tim novcem. Također traži od Vlade da se izjasni ima li ikakav plan u smislu terminala i rezervi koje će obezbijediti socijalni efekat kada je u pitanju promjena cijena na svjetskom tržištu i da mu se dostavi informacija zašto nema dogovora kada je u pitanju raspodjela novca koji je obezbijeđen Zakonom o akcizama?

Segmedina Bajramović - Srna je postavila jedno pitanje i uputila jednu inicijativu. Pitanje se odnosi na sljedeće: Zbog čega se naplata radiotelevizijske pretplate od mjeseca septembra prošle godine počela vršiti samo uz račune za utošenu električnu energiju isključivo za potrošače koje snabdijeva JP Elektroprivreda BiH, a ne i za potrošače koje snabdijeva Elektroprivreda HZ-HB?

Zašto je Vlada Federacije BiH dozvolila jednu ovakvu očitu diskriminaciju građana i pravnih lica unutar Federacije BiH kada je plaćanje radiotelevizijske pretplate zakonska obaveza svih pravnih i fizičkih osoba koje posjeduju televizijski prijemnik u Federaciji? Šta i kada Vlada Federacije namjerava uraditi kako bi se pitanje naplate radiotelevizijske pretplate u Federaciji riješilo na jedinstven način kako bi se zaustavila diskriminacija građana i pravnih lica?

Inicijativu je uputila prema Federalnom ministarstvu zdravstva da u saradnji sa Zavodom zdravstvenog osiguranja razmotri vraćanje glukagona na A listu, esencijalnu A listu, u cilju vraćanja pomenutog lijeka na istu.

Anes Osmanović je uputio tri pitanja i tri inicijative. Prvo pitanje je uputio Ministarstvu pravde, a ono glasi: Da li se planira u dogledno vrijeme izmjena i dopuna Zakona o krivičnom postupku Federacije BiH? Također, pokrenuo je inicijativu za osnivanjem Fonda za reparaciju žrtvama ratnih zločina i drugih zločina sa elementima nasilja na novou Federacije BiH. Drugo pitanje je uputio Ministarstvu

prometa i komunikacija Federacije BiH i JP Ceste Federacije BiH - Kada se planira izgradnja kružnog toka koji je po projektu bio na novoizgrađenoj magistralnoj cesti, zatim zaobilaznici oko grada Odžaka koja vodi na priključak Koridora 5c na križanju sa lokalnom cestom? Pokrenuo je inicijativu za predviđanje sredstava i izgradnju kružnog toka ili neko drugo rješenje za ovu raskrnicu. Treće pitanje je uputio Federalnom ministarstvu prometa i komunikacija i JP Ceste Federacije BiH. Interesuje ga da li se u narednoj godini planiraju radovi na magistralnom putu M14-1 u dijelu koji prolazi kroz grad Odžak te je uputio i inicijativu da se predvide sredstva za te namjene i završe potrebni radovi.

Vesna Saradžić je postavila jedno pitanje i uputila jednu inicijativu. Inicijativu je uputila prema Vladi Federacije BiH i Federalnom ministarstvu zdravstva za nabavku pokretnog mamografa u svrhu ranog otkrivanja bolesti kod žena u ruralnim područjima, čime bi se, kako je rekla, značajno poboljšali izgledi za izlječenje od ove bolesti i smanjili troškovi liječenja. Upitala je Vladu Federacije BiH i Vijeće ministara BiH zašto nemamo uspostavljen putnički željeznički saobraćaj s Republikom Hrvatskom i ko snosi odgovornost za to, te kada i koji koraci se planiraju poduzeti kako bi bosanskohercegovački građani mogli putovati željeznicom u Republiku Hrvatsku.

Mirvet Beganović je postavio jedno pitanje i uputio jednu inicijativu. Pitanje je uputio Federalnom ministarstvu poljoprivrede, vodoprivrede i šumarstva, a ono glasi: Šta je predmet konsolidacije u privrednom društvu Agrokomerc koje je u vlasništvu Federacije? Istom ministarstvu postavio je potpitanje - Na koji način se planiraju izmiriti obaveze prema općini Velika Kladuša koje iznose preko milion i 600 hiljada KM? Inicijativu je uputio Federalnom ministarstvu poljoprivrede, vodoprivrede i šumarstva, a ona se odnosi na izmjenu Pravilnika o uvjetima i kriterijima koje moraju zadovoljiti ovlaštena pravna lica za obavljanje stručno-tehničkih poslova iz nadležnosti Agencije za vode i načinu izdavanja ovlaštenja.

Goran Akšamija je uputio dvije inicijative prema Federalnom ministarstvu zdravstva. Prva inicijativa se odnosi na hitno pokretanje promotivne djelatnosti o značaju imunizacije odnosno vakcinacije djece protiv zaraznih bolesti. Druga inicijativa se odnosi na zaključenje Federalnog kolektivnog ugovora o pravima i obavezama poslodavaca i radnika u djelatnosti doktora medicine i stomatologije uz zahtjev za prethodno izjašnjenje Vlade Federacije BiH.

Mladen Lonić je postavio jedno pitanje Federalnom ministarstvu prometa i komunikacija, a odnosi se na magistralni put M14a, Bosanska Krupa-Bosanski Petrovac, „koji je jedini u Federaciji koji nije asfaltiran kao magistralni put“. Zanimalo ga da li je taj put još uvijek magistralni put ili je prekategoričan u regionalni put, te kada će biti asfaltiran i kada će na njemu nešto konkretno početi da rade. Drugo pitanje je postavio Vladi Federacije BiH - Zašto do danas niko od izvođača i nadzornih organa nije uradio nadzor nad projektom Američke ambasade koji se odnosio na vodosnabdjevanje podgrmičkih sela, gdje je većinom povratnička populacija i gdje je uloženo milion i pedeset hiljada dolara?

Nakon delegatskih pitanja i inicijativa prešlo se na utvrđivanje dnevnog reda. Predsjedavajuća je upitala delegate da li ima prijedloga za izmjenu i dopunu dnevnog reda.

Delegat Aner Žuljević zatražio je da prije naredne sjednice Kolegij razmotri da se u dnevni red uvrste Zakon o volontiranju i Zakon o izmjenama i dopunama Zakona o platama u organima Vlasti Federacije BiH.

Predsjedavajuća je obavijestila delegate da je Vlada Federacije BiH dostavila Prijedlog Odluke o izmjenama i dopunama Budžeta Federacije BiH za 2018. godinu, sa prijedlogom da se razmatra po hitnom postupku.

Na osnovu rezultata glasanja, predsjedavajuća je konstatirala da Prijedlog da se Odluka o izmjenama i dopunama Budžeta za 2018. godinu razmatra po hitnom postupku nije dobio potrebnu većinu, jer je 26 bilo za, pet suzdržanih i 12 protiv.

Nakon što je predsjedavajuća izrazila sumnju u rezultate glasanja, sekretar Doma naroda Izmir Hadžić izvršio je poimenično izjašnjavanje. Na osnovu rezultata poimeničnog izjašnjavanja predsjedavajuća je konstatirala da je Dom naroda Parlamenta Federacije BiH sa 28 glasova, 12 glasova protiv i šest suzdržanih glasova prihvatio da se Prijedlog Odluke o izmjenama i dopunama Budžeta Federacije BiH za 2018. godinu razmatra po hitnom postupku.

Također, predsjedavajuća je obavijestila delegate da je Vlada Federacije dostavila sljedeće prijedloge zakona sa prijedlogom da se razmatraju po skraćenom postupku i to: Prijedlog Zakona o prestanku važenja Zakona o osnivanju Federalnog Fonda za podršku nastradalim područjima od prirodne nesreće na teritoriji Federacije BiH, Prijedlog Zakona o dopunama zakona za osnivanje Instituta za medicinsko vještačenje zdravstvenog stanja i Prijedlog Zakona o izmjenama Zakona o osnovama socijalne zaštite civilnih žrtava rata i zaštite porodice sa djecom.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH sa 30 glasova za, pet suzdržanih glasova i jednim glasom protiv, prihvatio da Prijedlog Zakona o prestanku važenja Zakona o osnivanju Federalnog Fonda za podršku nastradalim područjima od prirodne nesreće na teritoriji Federacije BiH bude razmatran po skraćenom postupku.

Na osnovu rezultata glasanja, predsjedavajuća je konstatirala da je Dom naroda Parlamenta FBiH sa 35 glasova za, jednim glasom protiv i tri suzdržana glasa prihvatio da se Prijedlog Zakona o dopunama Zakona za osnivanje Instituta za medicinsko vještačenje zdravstvenog stanja razmatra po skraćenom postupku.

Na osnovu rezultata glasanja, predsjedavajuća je konstatirala da je Dom naroda Parlamenta FBiH sa 34 glasa za i dva suzdržana glasa, prihvatio da se Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom razmatra po skraćenom postupku.

Predsjedavajuća je, zatim, stavila na glasanje i, na osnovu rezultata glasanja, konstatirala da je Dom naroda Parlamenta Federacije BiH, sa 39 glasova za i dva suzdržana glasa usvojio sljedeći

DNEVNI RED

1. Prijedlog odluke o izmjenama i dopunama Budžeta Federacije Bosne i Hercegovine za 2018. godinu,
2. Prijedlog zakona o prestanku važenja Zakona o osnivanju Federalnog fonda za podršku nastradalim područjima od prirodne nesreće na teritoriji Federaciji Bosne i Hercegovine - skraćeni postupak,
3. Prijedlog zakona o dopunama Zakona za osnivanje Instituta za medicinsko vještačenje zdravstvenog stanja - skraćeni postupak,
4. Prijedlog zakona o izmjenama Zakona o osnovama socijalne zaštite, zaštite civilnih žrtava rata i zaštite porodice s djecom - skraćeni postupak,
5. Nacrt zakona o izmjenama i dopunama Zakona o poljoprivrednim savjetodavnim službama,
6. Nacrt zakona o postupanju sa neiskorištenim nekretninama nakon trajne i potpune obustave rudarskih radova (predlagač: Slađan Ilić, delegat u Domu naroda Parlamenta Federacije BiH),
7. Prijedlog odluke o davanju saglasnosti na Obračun sredstava u zdravstvu u Federaciji Bosne i Hercegovine za 2016. godinu,
8. Odluka o izdvajanju sredstava u Fond solidarnosti Federacije Bosne i Hercegovine za 2018. godinu,
9. Prijedlog odluke o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta "Izgradnja i obnova određenog broja bolnica u Bosni i Hercegovini",
10. Prijedlog odluke o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta "Razvoj infrastrukture u Općini Stari Grad Sarajevo",
11. Program rada Vlade Federacije Bosne i Hercegovine za 2018. godinu,
12. Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine i revidiranih korisnika Budžeta Federacije Bosne i Hercegovine za 2016. godinu,
13. Izvještaj o poslovanju Javnog preduzeća „Elektroprivreda HZ HB“ d.d. Mostar za 2015. godinu,
14. Izvještaj o poslovanju Javnog preduzeća „Elektroprivreda BiH“ d.d. Sarajevo za 2015. godinu,
15. Izvještaj o poslovanju Javnog preduzeća „Elektroprivreda BiH“ d.d. Sarajevo za 2016. godinu,
16. Izvještaj o radu i poslovanju Javnog preduzeća „Elektroprivreda HZ HB“ d.d. Mostar za 2016. godinu,
17. Godišnji izvještaj o rezultatima aktivnosti Institucije Ombudsmena za ljudska prava Bosne i Hercegovine za 2016. godinu,
18. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2016. godinu,
19. Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije Bosne i Hercegovine za 2016. godinu i Izvještaj o izvršenju finansijskog plana za 2016. godinu,
20. Izvještaj o radu Federalnog zavoda za zapošljavanje za 2016. godinu,
21. a) Kvartalni izvještaj o dugu Q1/2017
b) Kvartalni izvještaj o dugu Q2/2017
c) Kvartalni izvještaj o dugu Q3/2017
d) Kvartalni izvještaj o dugu Q4/2017,

22. Izvještaj o radu Agencije za bankarstvo Federacije Bosne i Hercegovine za 2016. godinu,
Informacija o bankarskom sistemu Federacije Bosne i Hercegovine na dan 31.12.2016. godine,
Informacija o mikrokreditnom sistemu Federacije Bosne i Hercegovine sa stanjem na dan 31.12. 2016. godine,
Informacija o sektoru lizinga Federacije Bosne i Hercegovine sa stanjem na dan 31.12. 2016. godine,
Izvještaj o radu samostalnog odjela Ombudsmena za bankarski sistem Federacije Bosne i Hercegovine za period 1.1.2016. - 31.12. 2016. godine,
23. Izvještaj o zaduženju Federacije Bosne i Hercegovine po osnovu emisije trezorskih zapisa na dan:
- a) Izvještaj o zaduženju Federacije Bosne i Hercegovine po osnovu emisije trezorskih zapisa na dan 11.4., 25.4. i 9.5. 2017. godine
 - b) Izvještaj o zaduženju Federacije Bosne i Hercegovine po osnovu emisije trezorskih zapisa na dan 23.5.2017. godine
 - c) Izvještaj o zaduženju Federacije Bosne i Hercegovine po osnovu emisije trezorskih zapisa na dan 13.6.2017. godine
 - d) Izvještaj o zaduženju Federacije Bosne i Hercegovine po osnovu emisije trezorskih zapisa na dan 17.10.2017. godine
 - e) Izvještaj o zaduženju Federacije Bosne i Hercegovine po osnovu emisije trezorskih zapisa na dan 7.11.2017. godine
 - f) Izvještaj o zaduženju Federacije Bosne i Hercegovine po osnovu emisije trezorskih zapisa na dan 14.11.2017. godine
 - g) Izvještaj o zaduženju Federacije Bosne i Hercegovine po osnovu emisije trezorskih zapisa na dan 28.11.2017. godine
 - h) Izvještaj o zaduženju Federacije Bosne i Hercegovine po osnovu emisije trezorskih zapisa na dan 12.12.2017. godine,
24. Izvještaj o zaduženju Federacije Bosne i Hercegovine po osnovu emisije obveznica na dan 27.12.2017. godine,
25. Godišnji izvještaj Visokog sudskog i tužilačkog vijeća Bosne i Hercegovine za 2016. godinu,
26. Godišnji Izvještaj o stanju poljoprivrede u Federaciji Bosne i Hercegovine za 2016. godinu (Zeleni izvještaj),
27. Odluka o usvajanju Izvještaja o poslovanju dioničkog društva BH Telecom za period I - XII 2016. godine,
28. Izvještaj o poslovanju Javnog preduzeća Međunarodni aerodrom „Sarajevo“, d.o.o Sarajevo za 2016. godinu,
29. Izvještaj o finansijskoj reviziji Zavoda za zbrinjavanje mentalno-invalidnih osoba - Bakovići za 2016. godinu,
30. Izvještaj o finansijskoj reviziji Federalnog zavoda za agropedologiju za 2016. godinu,
31. Analitički izvještaj o radu Fonda za zaštitu okoliša Federacije BiH za 2016. godinu,

32. Prijedlog odluke o davanju saglasnosti na Izvještaj o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2016. godinu (konsolidirani) i Izvještaj o izvršenju Finansijskog plana Federalnog fonda solidarnosti za 2016. godinu (Anex I),
33. Izvještaj o radu „Sarajevoputevi“, d.d., Sarajevo za 2016. godinu,
34. Izvještaj o poslovanju BH Gas d.o.o. Sarajevo za 2016. godinu,
35. Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2016. godinu,
36. Strategija upravljanja dugom 2017-2019 godine,
37. Prijedlog strategije razvoja drvne industrije Federacije Bosne i Hercegovine za period 2016. - 2025. godina,
38. Prijedlog strategije razvoja industrije građevinskog materijala Federacije Bosne i Hercegovine za period 2016. - 2025. godina,
39. Prijedlog Strategije razvoja metalnog i elektro sektora Federacije Bosne i Hercegovine, za period 2016.-2025. godina,
40. Strategija upravljanja dugom 2018-2020. godine,
41. Izbor i imenovanja.

1. Prijedlog Odluke o izmjenama i dopunama Budžeta Federacije Bosne i Hercegovine za 2018. godinu

Prijedlog Odluke o izmjenama i dopunama Budžeta Federacije Bosne i Hercegovine za 2018. godinu utvrdila je Vlada Federacije.

Prijedlog Odluke razmatrala su nadležna radna tijela i dostavila svoje izvještaje. Prijedlog Odluke obrazložila je federalna ministrica finansija Jelka Milićević.

U raspravi su učestvovali: Željko Mirković, Aner Žuljević, Draženka Subašić, Mirvet Beganović, Tomislav Martinović, Osman Ćatić i Jelka Milićević.

Na osnovu rezultata glasanja, predsjedavajuća je konstatirala da je Dom naroda Parlamenta FBiH sa 30 glasova za, četiri glasa protiv i pet suzdržanih glasova, donio Odluku o izmjenama i dopunama Budžeta Federacije BiH za 2018. godinu.

2. Prijedlog zakona o prestanku važenja Zakona o osnivanju Federalnog fonda za podršku nastradalim područjima od prirodne nesreće na teritoriji Federaciji Bosne i Hercegovine - skraćeni postupak

Prijedlog Zakona o prestanku važenja Zakona o osnivanju Federalnog fonda za podršku nastradalim područjima od prirodne nesreće na teritoriji Federaciji Bosne i Hercegovine utvrdila je Vlada Federacije.

Predsjedavajuća je podsjetila delegate da je Predstavnički dom Parlamenta Federacije BiH na 28. vanrednoj sjednici održanoj 18. aprila 2018. godine usvojio Prijedlog Zakona o prestanku važenja Zakona o osnivanju Federalnog fonda za podršku nastradalim područjima od prirodne nesreće na teritoriji Federaciji Bosne i Hercegovine u tekstu kako ga je predložila Vlada Federacije. Tom prilikom usvojen je i Zaključak.

Prijedlog Zakona obrazložila je pomoćnik sekretara Vlade Federacije Mirsada Jahić.

Prijedlog Zakona razmatrala su nadležna radna tijela.

U raspravi su učestvovali Željko Josić, Aner Žuljević i Jelka Milićević.

Predsjedavajuća je predložila delegatima da vode raspravu o tačkama Dnevnog reda, a da se na kraju izjašnjavaju što je prihvaćeno.

3. Prijedlog zakona o dopunama Zakona za osnivanje Instituta za medicinsko vještačenje zdravstvenog stanja - skraćeni postupak

Prijedlog zakona utvrdila je Vlada Federacije.

Predsjedavajuća je podsjetila delegate da je Predstavnički dom Parlamenta Federacije BiH na 28. vanrednoj sjednici održanoj 18. aprila 2018. godine usvojio Prijedlog zakona o dopunama Zakona za osnivanje Instituta za medicinsko vještačenje zdravstvenog stanja u tekstu kako ga je predložila Vlada Federacije BiH.

Prijedlog zakona razmatrala su nadležna radna tijela.

U raspravi niko nije učestvovao.

4. Prijedlog zakona o izmjenama Zakona o osnovama socijalne zaštite, zaštite civilnih žrtava rata i zaštite porodice s djecom - skraćeni postupak

Prijedlog zakona utvrdila je Vlada Federacije.

Predsjedavajuća je podsjetila delegate da je Predstavnički dom Parlamenta Federacije BiH na 28. vanrednoj sjednici održanoj 18. aprila 2018. godine usvojio Prijedlog zakona o izmjenama Zakona o osnovama socijalne zaštite, zaštite civilnih žrtava rata i zaštite porodice s djecom u tekstu kako ga je predložila Vlada Federacije BiH.

Prijedlog zakona razmatrala su nadležna radna tijela.

U raspravi je učestvovala Segmedina Srna - Bajramović.

5. Nacrt zakona o izmjenama i dopunama Zakona o poljoprivrednim savjetodavnim službama

Nacrt zakona o izmjenama i dopunama Zakona o poljoprivrednim savjetodavnim službama utvrdila je Vlada Federacije.

Nacrt zakona razmatrala su nadležna radna tijela.

Nacrt zakona obrazložila je Irena Jerkiš, šefica Odsjeka za poljoprivredne savjetodavne službe u Federalnom ministarstvu poljoprivrede, vodoprivrede i šumarstva.

U raspravi niko nije učestvovao.

6. Nacrt zakona o postupanju sa neiskorištenim nekretninama nakon trajne i potpune obustave rudarskih radova (predlagač: Slađan Ilić, delegat u Domu naroda Parlamenta Federacije BiH)

Nacrt zakona o postupanju sa neiskorištenim nekretninama nakon trajne i potpune obustave rudarskih radova je utvrdio i u parlamentarnu proceduru dostavio Slađan Ilić, delegat u Domu naroda Parlamenta Federacije BiH.

Nacrt zakona obrazložio je Slađan Ilić.

Nacrt zakona razmatrala su nadležna radna tijela.

U raspravi je učestvovao Slaviša Šućur.

7. Prijedlog odluke o davanju saglasnosti na Obračun sredstava u zdravstvu u Federaciji Bosne i Hercegovine za 2016. godinu

Prijedlog odluke dostavila je Vlada Federacije BiH o davanju saglasnosti Parlamentu Federacije BiH radi razmatranja i donošenja. Prijedlog odluke su razmatrala nadležna radna tijela.

U raspravi je učestvovao Aner Žuljević.

8. Odluka o izdvajanju sredstava u Fond solidarnosti Federacije Bosne i Hercegovine za 2018. godinu

Odluku je dostavila Vlada Federacije radi obavještanja.

Odluku su razmatrala nadležna radna tijela.

Nije bilo rasprave.

Predsjedavajuća je konstatirala da je Dom naroda Parlamenta Federacije Bosne i Hercegovine primio k znanju Odluku o izdvajanju sredstava u Fond solidarnosti Federacije Bosne i Hercegovine za 2018. godinu

9. Prijedlog odluke o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta “Izgradnja i obnova određenog broja bolnica u Bosni i Hercegovini”

Prijedlog odluke o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta “Izgradnja i obnova određenog broja bolnica u Bosni i Hercegovini”, utvrdila je Vlada Federacije BiH i dostavila sa popratnim materijalima Parlamentu Federacije BiH radi razmatranja i donošenja.

Prijedlog odluke su razmatrala nadležna radna tijela.

U raspravi niko nije učestvovao.

10. Prijedlog odluke o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta “Razvoj infrastrukture u Općini Stari Grad Sarajevo”

Prijedlog odluke utvrdila je Vlada Federacije BiH i dostavila sa popratnim materijalima Parlamentu Federacije BiH radi razmatranja i donošenja.

Prijedlog odluke su razmatrala nadležna radna tijela. U raspravi niko nije učestvovao.

11. Program rada Vlade Federacije Bosne i Hercegovine za 2018. godinu

Program rada dostavila je Vlada Federacije BiH radi razmatranja. Naknadno je Vlada Federacije dostavila izmjenu u Programu rada za 2018. godinu u dijelu koji se odnosi na Godišnji plan rada Federalnog ministarstva razvoja, poduzetništva i obrta za 2018. godinu.

Program rada su razmatrala nadležna radna tijela.

Program rada obrazložili su federalni ministar rada i socijalne politike Vesko Drljača i Jozo Bejić, sekretar Ministarstva razvoja, poduzetništva i obrta.

Izveštaj Odbora za privredu obrazložio je delegat Mustafa Kurtović. Tom prilikom je u ime Odbora za privredu Domu naroda predložen Zaključak.

U raspravi su učestvovali Draženka Subašić i Aner Žuljević.

12. Izveštaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine i revidiranih korisnika Budžeta Federacije Bosne i Hercegovine za 2016. godinu

Parlamentarna komisija odgovorna za reviziju dostavila je Parlamentu Federacije Izveštaj o revizijskom izvještaju Budžeta Federacije Bosne i Hercegovine i revidiranih korisnika Budžeta Federacije Bosne i Hercegovine za 2016. godinu.

Izveštaj su razmatrala nadležna radna tijela.

Predsjedavajuća je obavijestila prisutne da sve preporuke Odbora za reviziju i preporuke Ureda za reviziju institucija u Federaciji Bosne i Hercegovine trebaju postati sastavni dio plana rada Vlade i da to Vlada treba ispoštovati da se ne bi ponavljale svake godine iste preporuke.

U raspravi je učestvovao zamjenik glavnog federalnog revizora gospodin Branko Kolobarić.

13. Izveštaj o poslovanju Javnog preduzeća „Elektroprivreda HZ HB“ d.d. Mostar za 2015. godinu

16. Izveštaj o radu i poslovanju Javnog preduzeća „Elektroprivreda HZ HB“ d.d. Mostar za 2016. godinu

Predsjedavajuća je podsjetila delegate da na osnovu člana 6. stava 2. Zakona o javnim preduzećima Skupština podnosi Parlamentu Federacije svoje godišnje izvještaje. Također je predložila da se ova tačka razmatra zajedno sa tačkom 16.

Izveštaje je obrazložio Ante Tutiš, izvršni direktor za ekonomske poslove u Elektroprivredi HZ HB Mostar.

U raspravi su učestvovali: Đuro Prkačin, Slaviša Šućur, Jasenko Tufekčić, Tomislav Martinović, Osman Čatić i Aner Žuljević.

14. Izvještaj o poslovanju Javnog preduzeća „Elektroprivreda BiH“ d.d. Sarajevo za 2015. godinu

15. Izvještaj o poslovanju Javnog preduzeća „Elektroprivreda BiH“ d.d. Sarajevo za 2016. godinu

Predsjedavajuća je podsjetila delegate da na osnovu člana 6. stava 2. Zakona o javnim preduzećima Skupština podnosi Parlamentu Federacije svoje godišnje izvještaje. Također je saopštila da će tačke 14. i 15. biti razmatrane zajedno.

Izvještaje je obrazložio Ražanica Muhamed.

U raspravi su učestvovali: Željko Mirković, Mirvet Beganović, Rasim Dostović, Slaviša Šućur i Ivo Tadić.

17. Godišnji izvještaj o rezultatima aktivnosti Institucije Ombudsmena za ljudska prava Bosne i Hercegovine za 2016. godinu

Predsjedavajuća je podsjetila da na osnovu člana 10. i člana 34. stava 1. Zakona o ombudsmenima za ljudska prava BiH, Institucija Ombudsmena za ljudska prava BiH dostavlja Parlamentu Federacije svoj godišnji izvještaj. Također je obavijestila delegate da je Predstavnički dom Parlamenta Federacije BiH u nastavku 21. vanredne sjednice održane 17.5.2017. godine razmatrao i primio k znanju Godišnji izvještaj o rezultatima aktivnosti Institucije Ombudsmena za ljudska prava Bosne i Hercegovine za 2016. godinu i tom prilikom usvojio zaključak.

Izvještaj su razmatrala nadležna radna tijela.

Izvještaj je obrazložila predsjednica Institucije Ombudsmena za ljudska prava Bosne i Hercegovine.

U raspravi su učestvovali Željko Mirković, Mladen Lonić, Mirvet Beganović, Osman Ćatić, Jasenko Tufekčić, Aner Žuljević i Draženka Subašić.

Predsjedavajuća je zatim obavijestila delegate da će početi sa izjašnjavanjem o tačkama o kojima je obavljena rasprava.

2. Prijedlog zakona o prestanku važenja Zakona o osnivanju Federalnog fonda za podršku nastradalim područjima od prirodne nesreće na teritoriji Federaciji Bosne i Hercegovine - skraćeni postupak

Na osnovu rezultata glasanja, predsjedavajuća je konstatirala da je Dom naroda sa 29 glasova za, osam glasova protiv i tri suzdržana glasa usvojio Prijedlog zakona o prestanku važenja Zakona o osnivanju Federalnog fonda za podršku nastradalim područjima od prirodne nesreće na teritoriji Federaciji Bosne i Hercegovine.

3. Prijedlog zakona o dopunama Zakona za osnivanje Instituta za medicinsko vještačenje zdravstvenog stanja - skraćeni postupak

Na osnovu rezultata glasanja, predsjedavajuća je konstatirala da je Dom naroda, sa 40 glasova za, bez protiv i bez suzdržanih, jednoglasno usvojio Prijedlog zakona o dopunama Zakona za osnivanje Instituta za medicinsko vještačenje zdravstvenog stanja.

4. Prijedlog zakona o izmjenama Zakona o osnovama socijalne zaštite, zaštite civilnih žrtava rata i zaštite porodice s djecom - skraćeni postupak

Na osnovu rezultata glasanja, predsjedavajuća je konstatirala da je Dom naroda sa 40 glasova za i jednim suzdržanim glasom, usvojio Prijedlog zakona o izmjenama Zakona o osnovama socijalne zaštite, zaštite civilnih žrtava rata i zaštite porodice s djecom.

5. Nacrt zakona o izmjenama i dopunama Zakona o poljoprivrednim savjetodavnim službama

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH jednoglasno sa 38 glasova za usvojio sljedeći

ZAKLJUČAK

1. Dom naroda Parlamenta FBiH prihvata Nacrt zakona o izmjenama i dopunama Zakona o poljoprivrednim savjetodavnim službama i smatra da može poslužiti kao osnov za izradu Prijedloga zakona.
2. Zadužuje se predlagač da provede javnu raspravu u trajanju od 60 dana.
3. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, klubovima i na javnoj raspravi.

6. Nacrt zakona o postupanju sa neiskorištenim nekretninama nakon trajne i potpune obustave rudarskih radova (predlagač: Slađan Ilić, delegat u Domu naroda Parlamenta Federacije BiH)

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH sa 39 glasova za i jednim glasom protiv usvojio slijedeći

ZAKLJUČAK

1. Dom naroda Parlamenta Federacije BiH prihvata Nacrt zakona o postupanju sa neiskorištenim nekretninama nakon trajne i potpune obustave rudarskih radova i smatra da može poslužiti kao osnov za izradu Prijedloga zakona.
2. Zadužuje se predlagač i nadležno ministarstvo da provede javnu raspravu u trajanju od 60 dana.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao I na javnoj raspravi.

7. Prijedlog odluke o davanju saglasnosti na Obračun sredstava u zdravstvu u Federaciji Bosne i Hercegovine za 2016. godinu

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH jednoglasno sa 36 glasova za, usvojio Prijedlog odluke o davanju saglasnosti na Obračun sredstava u zdravstvu u Federaciji Bosne i Hercegovine za 2016. godinu.

8. Odluka o izdvajanju sredstava u Fond solidarnosti Federacije Bosne i Hercegovine za 2018. godinu

Predsjedavajuća je podsjetila delegate da se ova tačka samo prima k znanju i konstatirala da je Dom naroda Parlamenta Federacije BiH primio k znanju Odluku o izdvajanju sredstava u Fond solidarnosti Federacije Bosne i Hercegovine za 2018. godinu.

9. Prijedlog odluke o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta "Izgradnja i obnova određenog broja bolnica u Bosni i Hercegovini"

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH jednoglasno sa 39 glasova za, usvojio Prijedlog odluke o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta "Izgradnja i obnova određenog broja bolnica u Bosni i Hercegovini".

10. Prijedlog odluke o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta "Razvoj infrastrukture u Općini Stari Grad Sarajevo"

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH sa 36 glasova za, jednim glasom protiv i pet suzdržanih glasova donio Odluku o prihvatanju zaduženja po Sporazumu o zajmu između Saudijskog fonda za razvoj i Bosne i Hercegovine za realizaciju Projekta "Razvoj infrastrukture u Općini Stari Grad Sarajevo".

11. Program rada Vlade Federacije Bosne i Hercegovine za 2018. godinu

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH sa 28 glasova za, deset glasova protiv i tri suzdržana glasa usvojio Program rada Vlade Federacije Bosne i Hercegovine za 2018. godinu.

12. Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine i revidiranih korisnika Budžeta Federacije Bosne i Hercegovine za 2016. godinu

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH sa 39 glasova za i dva suzdržana glasa usvojio Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine i revidiranih korisnika Budžeta Federacije Bosne i Hercegovine za 2016. godinu koji će biti sastavni dio i Plana rada Vlade. Tom prilikom Dom naroda usvojio je i sljedeće:

ZAKLJUČKE

1. Usvaja se 19 izvještaja o obavljenoj finansijskoj reviziji korisnika Budžeta FBiH za 2016. godinu i Izvještaj o finansijskoj reviziji Izvještaja o izvršenju Budžeta Federacije Bosne i Hercegovine za 2016. godinu.

2. Zadužuju se rukovodioci korisnika Budžeta FBiH koji su uz „pozitivno mišljenje revizora“ ili uz „mišljenje s rezervom“ imali dodatno istaknute predmete, odnosno skretanje pažnje, obuhvatajući mišljenja revizora o finansijskim izvještajima i mišljenja revizora o usklađenosti, da poduzmu sve potrebne mjere iz nadležnosti svake institucije zasebno, kako bi se izbjegle dalje posljedice identificiranih problema u poslovanju na koje je revizija skrenula pažnju pri isticanju predmeta, kao i da poduzmu mjere kojima će se preduprijeti da materijalnost takvih nalaza revizije eventualno ne preraste u kvalifikacije u narednim izvještajima revizije.
3. Traži se od Federalnog ministarstva finansija, kao i od Vlade Federacije BiH u dijelu preporuka koje su izvan nadležnosti Federalnog ministarstva finansija, da u saradnji sa resornim ministarstvima, te drugim organima javne uprave koji se navode u preporukama revizije, promptno pristupe izradi zajedničkog „Programa aktivnosti i mjera za provedbu 44 preporuke finansijske revizije za 2016. godinu“, objavljenih u revizorskom izvještaju broj: 06-01/17, pod nazivom „Izvještaj o finansijskoj reviziji Izvještaja o izvršenju Proračuna Federacije Bosne i Hercegovine za 2016. godinu“, te da preduzmu aktivnosti i mjere kojim će spriječiti ponavljanje identičnih nalaza revizije u narednim izvještajima finansijske revizije.
 - 3.1. Potrebno je da Vlada FBiH i Federalno ministarstvo finansija, u saradnji sa resornim ministarstvima i drugim organima javne uprave koji se navode u preporukama, pristupe realizaciji i evidenciji poduzetih aktivnosti i mjera na provedbi 44 preporuke finansijske revizije za 2016. godinu objavljene u revizorskom izvještaju pod nazivom „Izvještaj o finansijskoj reviziji Izvještaja o izvršenju Budžeta Federacije Bosne i Hercegovine za 2016. godinu“. Potrebno je da se odrede dvije grupe prioriteta; aktivnosti koje je moguće provesti tokom 2018. godine; i aktivnosti koje je moguće pokrenuti tokom 2018. godine, te da se obje grupe definiraju kao planske aktivnosti unutar godišnjih programa rada Vlade FBiH i Federalnog ministarstva finansija za 2018. godinu.
 - 3.2. Potrebno je javno objaviti „Program aktivnosti i mjera“ naveden u tački 3. (tri) ovih Zaključaka najkasnije do 1. 4.2018. godine na internet stranicama Vlade FBiH i Federalnog ministarstva finansija, te da se u istom roku, njegova štampana kopija dostavi Parlamentu FBiH.
 - 3.3. Potrebno je da se Parlamentu FBiH dostavi lista preduzetih aktivnosti i mjera unesenih u tabelu iz **Priloga 1.** koja je sastavni dio ovih Zaključaka, najkasnije do 1.4.2018. godine.
 - 3.4. Zadužuje se Parlamentarna komisija odgovorna za reviziju da posredstvom tabele iz **Priloga 1.** ovih Zaključaka vrši odgovarajuće usporedbe sa sadržajem novih revizorskih izvještaja za 2017. godinu, i aktivno prati realizaciju preporuka revizije u daljim ciklusima revizije, te da o tome redovno izvještava domove Parlamenta FBiH.
4. Traži se da Federalno ministarstvo energije, rudarstva i industrije; Vlada Federacije BiH; Federalno ministarstvo pravde; Federalno ministarstvo finansija; Parlament Federacije BiH; Federalno ministarstvo prometa i komunikacija; Federalno ministarstvo zdravstva; Federalno ministarstvo prostornog uređenja; Federalno ministarstvo poljoprivrede, vodoprivrede i šumarstva; Federalno

ministarstvo za pitanja boraca i invalida odbrambeno - oslobodilačkog rata; Federalno ministarstvo razvoja poduzetništva i obrta; Federalno ministarstvo rada i socijalne politike; Federalno ministarstvo kulture i sporta; Federalno ministarstvo obrazovanja i nauke i Federalno ministarstvo okoliša i turizma, uspostave odgovarajući nadzor nad realizacijom ovih Zaključaka, te da svaka institucija zasebno posveti posebnu pažnju daljnjem jačanju svog sistema internih kontrola s ciljem povećanja efikasnosti finansijskog poslovanja i pouzdanosti finansijskih izvještaja.

5. Traži se da Federalno ministarstvo energije, rudarstva i industrije; Vlada Federacije BiH; Federalno ministarstvo pravde; Federalno ministarstvo finansija; Parlament Federacije BiH; Federalno ministarstvo prometa i komunikacija; Federalno ministarstvo zdravstva; Federalno ministarstvo prostornog uređenja; Federalno ministarstvo poljoprivrede, vodoprivrede i šumarstva; Federalno ministarstvo za pitanja boraca i invalida odbrambeno – oslobodilačkog rata; Federalno ministarstvo razvoja poduzetništva i obrta; Federalno ministarstvo rada i socijalne politike; Federalno ministarstvo kulture i sporta; Federalno ministarstvo obrazovanja i nauke i Federalno ministarstvo okoliša i turizma, zasebno pristupe izradi svojih „Programa aktivnosti i mjera na provođenju preporuka finansijske revizije za 2016. godinu“, s ciljem prevazilaženja nedostataka u poslovanju prezentiranih u revizorskom izvještaju za 2016. godinu, te pristupe preduzimanju mjera kojim će se zapriječiti ponavljanje identičnih nalaza revizije u narednim izvještajima finansijske revizije.
 - 5.1. Petnaest zasebnih „Programa aktivnosti i mjera“ navedenih u prethodnoj tački (5.) ovih Zaključaka, potrebno je javno objaviti najkasnije do kraja marta 2018. godine na internetskim stranicama svake od navedenih petnaest institucija FBiH zasebno, te da se štampane kopije tih „Programa“ u istom roku dostave Parlamentu FBiH.
 - 5.2. Potrebno je da svaka od navedenih petnaest institucija u prethodnoj tački (5.) ovih Zaključaka, promptno pristupi evidenciji preduzetih aktivnosti i mjera na provođenju preporuka prezentiranih u revizorskom izvještaju za 2016. godinu, te da Parlamentu FBiH dostave popis preduzetih aktivnosti i mjera unesenih u tabele iz **Priloga 1.** ovih Zaključaka (svaka institucija zasebno, prema pripadajućoj tabeli), najkasnije do 1.3.2018. godine.
 - 5.3. Potrebno je da svaka od navedenih petnaest institucija u prethodnoj tački (5.) ovih Zaključaka, uvrsti preporuke revizije iz Izvještaja finansijske revizije za 2016. godinu u svoje godišnje programe rada za 2018. godinu, s ciljem selekcije dvije grupe prioriteta: (a) aktivnosti koje je moguće provesti tokom 2018. godine, kao i (b) aktivnosti koje je moguće pokrenuti tokom 2018. godine, te definiranja obje grupe kao planskih aktivnosti unutar svakog zasebnog godišnjeg programa rada za 2018. godinu za svih petnaest navedenih institucija, korisnika Budžeta FBiH.
 - 5.4. Zadužuje se Parlamentarna komisija odgovorna za reviziju da posredstvom tabela iz **Priloga 1.** ovih Zaključaka vrši odgovarajuće usporedbe sa sadržajem novih revizorskih izvještaja za 2017. godinu, i aktivno prati realizaciju preporuka revizije u daljim ciklusima revizije, te da o tome redovno izvještava domove Parlamenta FBiH.

6. Potrebno je da Vlada Federacije BiH najkasnije do 1.4.2018. godine, pripremi prijedlog zakonskog rješenja ili da koristeći postojeća zakonska i podzakonska rješenja, predvidi sankcioniranje rukovodilaca i/ili ovlaštenih lica onih institucija FBiH koje u razumnom roku ne postupaju po preporukama Ureda za reviziju institucija u FBiH, odnosno ne poduzimaju ni minimalan broj aktivnosti na realizaciji tih preporuka, posebno onih materijalno-značajnih preporuka revizije, ili o tome ne informiraju, odnosno ne dostavljaju pravovremeno ili nikako podatke Uredu za reviziju institucija u FBiH, Parlamentu FBiH i drugim organima koji prate realizaciju revizorskih preporuka ili zaključaka, kada se to od njih traži.
7. Traži se od lica koja nisu državni službenici, posebno oni koji su u izbornom ili reizbornom mandatu da prilikom imenovanja članova radnih tijela izbjegavaju situaciju u kojoj se pojavljuju i kao članovi i kao potpisnici rješenja o sopstvenim naknadama.
8. Zadužuje se Parlamentarna komisija odgovorna za reviziju da u prvoj polovini 2018. godine organizira tematsku sjednicu u kojoj bi učestvovali predstavnici 19 revidiranih institucija, predstavnici ovlašteni za Izvještaj o izvršenju Budžeta FBiH i predstavnici Ureda za reviziju institucija u FBiH, sa ciljem pronalaska rješenja za preporuke koje se ponavljaju kao i za one preporuke za čije otklanjanje je potreban zajednički rad dvije ili više institucija (sistemski pristup).
9. Zadužuje se Parlamentarna komisija odgovorna za reviziju da saglasno svom Poslovniku i u saradnji sa Uredom za reviziju institucija u FBiH aktivno prati realizaciju ovih Zaključaka, da vrši redovnu korespodenciju sa revidiranim korisnicima Budžeta FBiH, da po potrebi organizira radne sastanke i radne posjete, te zasebne sjednice Komisije posvećene realizaciji preporuka revizije iz 2016. godine.

Tom prilikom Dom naroda je usvojio i sljedeći

ZAKLJUČAK

1. Svi rokovi navedeni u Izvještaju Parlamentarne komisije odgovorne za reviziju usvojenog na sjednici Doma naroda pomjeraju se za tri mjeseca unaprijed.
2. Svi zaključci Parlamentarne komisije odgovorne za reviziju usvojeni na sjednici Dom naroda postaju sastavni dio Programa rada Vlade Federacije Bosne i Hercegovine za 2018.godinu.

13. Izvještaj o poslovanju Javnog preduzeća „Elektroprivreda HZ HB“ d.d. Mostar za 2015. godinu

Predsjedavajuća je predložila da Dom naroda usvoji sljedeći:

ZAKLJUČAK

Dom naroda Parlamenta Federacije BiH prihvata Izvještaj o radu i poslovanju JP Elektroprivreda HZ HB d.d. Mostar za 2015. godinu.

Na osnovu rezultata glasanja predsjedavajuća je konstatirala da Dom naroda nije usvojio ovaj Zaključak jer je bilo 10 glasova za, 23 suzdržana i 8 protiv.

Predsjedavajuća je predložila da Dom naroda usvoji zaključak koji se odnosi na 13. i 16. tačku, a koji je predložio delegat Đuro Prkačin.

ZAKLJUČAK

Zadužuju se uprave preduzeća Elektroprivreda HZ HB Mostar i Elektroprivreda BiH da prilikom izdavanja elektroenergetske saglasnosti na priključenje na distribucijsku mrežu omoguće krajnjem kupcu da novčanu naknadu za izdavanje saglasnosti mogu uplatiti do 12 mjesečnih rata.

Na osnovu rezultata glasanja predsjedavajuća je konstatirala da je Dom naroda sa 42 glasa za, jednoglasno, usvojio zaključak koji se odnosi i na 13. i 16. tačku.

14. Izvještaj o poslovanju Javnog preduzeća „Elektroprivreda BiH“ d.d. Sarajevo za 2015. godinu

Predsjedavajuća je predložila sljedeći:

ZAKLJUČAK

Dom naroda Parlamenta Federacije BiH prihvata Izvještaj o radu i poslovanju JP Elektroprivreda BiH d.d. Sarajevo za 2015. godinu.

Na osnovu rezultata glasanja predsjedavajuća je konstatirala da Dom naroda sa šest glasova za, 23 suzdržana glasa i 13 glasova protiv nije usvojio Izvještaj o poslovanju Javnog preduzeća „Elektroprivreda BiH“ d.d. Sarajevo za 2015. godinu.

15. Izvještaj o poslovanju Javnog preduzeća „Elektroprivreda BiH“ d.d. Sarajevo za 2016. godinu

Predsjedavajuća je predložila sljedeći:

ZAKLJUČAK

Dom naroda Parlamenta Federacije BiH prihvata Izvještaj o radu i poslovanju JP Elektroprivreda BiH d.d. Sarajevo za 2016. godinu.

Na osnovu rezultata glasanja predsjedavajuća je konstatirala da Dom naroda sa osam glasova za, 20 suzdržanih glasova i 14 glasova protiv nije usvojio Izvještaj o poslovanju Javnog preduzeća „Elektroprivreda BiH“ d.d. Sarajevo za 2016. godinu.

16. Izvještaj o radu i poslovanju Javnog preduzeća „Elektroprivreda HZ HB“ d.d. Mostar za 2016. godinu

Predsjedavajuća je predložila sljedeći:

ZAKLJUČAK

Dom naroda Parlamenta Federacije BiH prihvata Izvještaj o radu i poslovanju JP Elektroprivreda HZ HB d.d. Mostar za 2016. godinu

Na osnovu rezultata glasanja, predsjedavajuća je konstatirala da Dom naroda sa sedam glasova za, 11 glasova protiv i 24 suzdržana glasa nije usvojio ovaj Izvještaj.

17. Godišnji izvještaj o rezultatima aktivnosti Institucije Ombudsmena za ljudska prava Bosne i Hercegovine za 2016. godinu,

Predsjedavajuća je konstatirala da je Godišnji izvještaj primljen k znanju.

Sjednica je prekinuta u 17 sati i 49 minuta.

NASTAVAK SJEDNICE ODRŽANE 6.6.2018. GODINE

Sjednica je počela u 11:25 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne delegate, goste i predstavnike medija. Predsjedavajuća je također pozdravila potpredsjednika Federacije BiH gospodina Milana Dunovića, zamjenicu predsjednika Vlade gospođu ministricu Jelku Milićević, ministricu Zoru Dujmović, ministra Mato Jožića i ministra Amira Zukića.

Predsjedavajuća je podsjetila prisutne da će Dom naroda nastaviti sa preostalim tačkama dnevnog reda 22. sjednice.

18. Izvještaj o izvršenju Programa rada Agencije za reviziju privatizacije u Federaciji BiH za 2016. godinu

Predsjedavajuća je podsjetila da je članom 14. Zakona o reviziji privatizacije državnog kapitala u privrednim društvima i bankama definirana obaveza Agencije da Parlamentu Federacije BiH do kraja marta tekuće godine dostavi izvještaj o izvršenju Programa rada za prethodnu godinu.

Agencija za reviziju privatizacije u Federaciji Bosne i Hercegovine dostavila je Izvještaj o izvršenju Programa rada Agencije za reviziju privatizacije u Federaciji BiH za 2016. godinu.

Predsjedavajuća je podsjetila delegate da je Predstavnički dom Parlamenta Federacije BiH obavijestio Dom naroda da je na nastavku 21. sjednice održane 17. maja 2017. godine usvojio Izvještaj o izvršenju Programa rada Agencije za reviziju privatizacije u Federaciji BiH za 2016. godinu.

Izvještaj o izvršenju Programa rada Agencije za reviziju privatizacije u Federaciji BiH za 2016. godinu razmatrala su nadležna radna tijela i dostavila svoje izvještaje.

U raspravi niko nije učestvovao.

Predsjedavajuća je predložila da se glasanje po svim tačkama dnevnog reda obavi u 15 sati.

19. Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2016. godinu Izvještaj o izvršenju Finansijskog plana za 2016. godinu

Predsjedavajuća je podsjetila prisutne da je na osnovu člana 30. Statuta Fonda za profesionalnu rehabilitaciju zapošljavanja osoba sa invaliditetom Fond dužan do kraja marta tekuće godine dostaviti izvještaj o radu Fonda i izvještaj o izvršenju Finansijskog plana za prethodnu godinu.

Fond za profesionalnu rehabilitaciju dostavio je Parlamentu Federacije ove izvještaje za 2016. godinu radi razmatranja i prihvatanja. Predsjedavajuća je podsjetila delegate da je Predstavnički dom Parlamenta Federacije BiH obavijestio Dom naroda da je na 21. sjednici održanoj 16. maja 2017. godine prihvatio Izvještaj o radu Fonda za profesionalnu rehabilitaciju zapošljavanja osoba sa invaliditetom za 2016. godinu i Izvještaj o izvršenju Finansijskog plana Fonda za profesionalnu rehabilitaciju i zapošljavanje osoba sa invaliditetom za 2016. godinu.

Izvještaj su razmatrala nadležna radna tijela i dostavila svoje izvještaje.

Izvještaj je obrazložio Ahmet Baljić, direktor Fonda.

U raspravi niko nije učestvovao.

20. Izvještaj o radu Federalnog zavoda za zapošljavanje za 2016. godinu

Predsjedavajuća je istakla da je Vlada Federacije BiH prihvatila Izvještaj o radu Federalnog zavoda za zapošljavanje za 2016. godinu i dostavila Parlamentu radi razmatranja.

Predsjedavajuća je podsjetila delegate da je Predstavnički dom Parlamenta Federacije BiH obavijestio Dom naroda da je na 21. sjednici održanoj 16. maja 2017. godine Zaključkom prihvatio Izvještaj o radu Federalnog zavoda za zapošljavanje za 2016. godinu.

Izvještaj je obrazložila Helena Lončar, direktorica Federalnog Zavoda za zapošljavanje.

Izvještaj su razmatrala nadležna radna tijela i dostavila svoje izvještaje.

U raspravi su učestvovali Aner Žuljević i Helena Lončar.

21. Kvartalni izvještaj o dugu za 2017. godinu

Kvartalni izvještaj o dugu Q1/2017

Kvartalni izvještaj o dugu Q2/2017

Kvartalni izvještaj o dugu Q3/2017

Kvartalni izvještaj o dugu Q4/2017

Vlada Federacije dostavila je Parlamentu Federacije radi informisanja kvartalne izvještaje o dugu Q1, Q2, Q3 i Q4.

Kvartalne izvještaje su razmatrala nadležna radna tijela i dostavila svoje izvještaje.

U raspravi niko nije učestvovao.

22. Izvještaj o radu Agencije za bankarstvo Federacije Bosne i Hercegovine za 2016. godinu

Informacija o bankarskom sistemu Federacije Bosne i Hercegovine na dan 31.12.2016. godine,

Informacija o mikrokreditnom sistemu Federacije Bosne i Hercegovine sa stanjem na dan 31.12. 2016. godine,

Informacija o sektoru lizinga Federacije Bosne i Hercegovine sa stanjem na dan 31.12.2016. godine,

Izvještaj o radu samostalnog odjela Ombudsmena za bankarski sistem Federacije Bosne i Hercegovine za period 1.1.2016. - 31.12. 2016. godine

Izvještaj je Parlamentu Federacije Bosne i Hercegovine dostavila Vlada Federacije radi razmatranja i usvajanja. Predsjedavajuća je također napomenula prisutne da su uz Izvještaj dobili i informacije o bankarskom sistemu, sektoru lizinga, Mikrokreditnom sistemu sa stanjem 31. decembra i Izvještaj o radu Samostalnog

odjela Ombudsmena za bankarski sistem za period 01. januar - 31. decembar 2016. godine.

Izvještaje su razmatrala nadležna radna tijela i dostavila svoje izvještaje.

Nije bilo potrebe da predstavnik Agencije za bankarstvo Federacije BiH obrazloži izvještaje.

U raspravi niko nije učestvovao.

23. Izvještaj o zaduženju Federacije Bosne i Hercegovine po osnovu emisije trezorskih zapisa na dan:

- a) **Izvještaj o zaduženju Federacije Bosne i Hercegovine po osnovu emisije trezorskih zapisa na dan 11.4., 25.4. i 9.5. 2017. godine**
- b) **Izvještaj o zaduženju Federacije Bosne i Hercegovine po osnovu emisije trezorskih zapisa na dan 23.5.2017. godine**
- c) **Izvještaj o zaduženju Federacije Bosne i Hercegovine po osnovu emisije trezorskih zapisa na dan 13.6.2017. godine**
- d) **Izvještaj o zaduženju Federacije Bosne i Hercegovine po osnovu emisije trezorskih zapisa na dan 17.10.2017. godine**
- e) **Izvještaj o zaduženju Federacije Bosne i Hercegovine po osnovu emisije trezorskih zapisa na dan 7.11.2017. godine**
- f) **Izvještaj o zaduženju Federacije Bosne i Hercegovine po osnovu emisije trezorskih zapisa na dan 14.11.2017. godine**
- g) **Izvještaj o zaduženju Federacije Bosne i Hercegovine po osnovu emisije trezorskih zapisa na dan 28.11.2017. godine**
- h) **Izvještaj o zaduženju Federacije Bosne i Hercegovine po osnovu emisije trezorskih zapisa na dan 12.12.2017. godine**

Predsjedavajuća je obavijestila delegate da je Vlada Federacije usvojila izvještaje o zaduženju Federacije Bosne i Hercegovine po osnovu emisije trezorskih zapisa i dostavila ih Parlamentu Federacije radi informiranja.

Izvještaje su razmatrala nadležna radna tijela i dostavila svoje izvještaje.

U raspravi niko nije učestvovao.

24. Izvještaj o zaduženju Federacije Bosne i Hercegovine po osnovu emisije obveznica na dan 27.12.2017. godine

Predsjedavajuća je obavijestila delegate da je Vlada Federacije usvojila Izvještaj o zaduženju Federacije Bosne i Hercegovine po osnovu emisije obaveznica i dostavila Parlamentu Federacije radi informiranja.

Izvještaj su razmatrala nadležna radna tijela i dostavila svoje izvještaje.

U raspravi niko nije učestvovao.

25. Godišnji izvještaj Visokog sudskog i tužilačkog vijeća Bosne i Hercegovine za 2016. godinu

Predsjedavajuća je obavijestila prisutne da je na osnovu člana 20. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08) ovo Vijeće dostavilo Godišnji izvještaj Parlamentu Federacije Bosne i Hercegovine za 2016. godinu u svrhu informisanja.

Izvještaj je obrazložio predstavnik VSTV-a gospodin Selim Karamehić.

Izvještaj su razmatrala nadležna radna tijela i dostavila svoje izvještaje.

U raspravi su učestvovali Jasenko Tufekčić, Aner Žuljević, Željko Josić, Anes Osmanović i Selim Karamehić.

26. Godišnji Izvještaj o stanju poljoprivrede u Federaciji Bosne i Hercegovine za 2016. godinu (Zeleni izvještaj)

Predsjedavajuća je obavijestila prisutne da je na osnovu člana 52. Zakona o poljoprivredi Vlada Federacije dostavila Parlamentu Federacije Izvještaj o stanju poljoprivrede u Federaciji Bosne i Hercegovine za 2016. godinu (Zeleni izvještaj) radi razmatranja i prihvatanja te da Izvještaj sadržava i prijedlog preporuka.

Izvještaj je obrazložio Bešćo Alibegović, predstavnik Federalnog ministarstva poljoprivrede.

Izvještaj su razmatrala nadležna radna tijela i dostavila svoje izvještaje.

U raspravi su učestvovali Đuro Delić, Aner Žuljević, Đuro Prkačin, Damir Jukić i federalni ministar poljoprivrede, vodoprivrede i šumarstva Šemsudin Dedić.

27. Odluka o usvajanju Izvještaja o poslovanju dioničkog društva BH Telecom za period I - XII 2016. godine

Predsjedavajuća je istakla da je na osnovu člana 6. stava 2. Zakona o javnim preduzećima u Federaciji Bosne i Hercegovine („Službene novine Federacije BiH, br. 8/05, 81/08, 22/09 i 109/12) dioničko društvo BH Telecom dužno podnositi izvještaj Parlamentu Federacije Bosne i Hercegovine o svom radu najmanje jedanput godišnje.

Izvještaj su razmatrala nadležna radna tijela i dostavila svoje izvještaje.

U raspravi niko nije učestvovao.

28. Izvještaj o poslovanju Javnog preduzeća Međunarodni aerodrom „Sarajevo“, d.o.o Sarajevo za 2016. godinu

Predsjedavajuća je istakla da je na osnovu člana 6. stava 2. Zakona o javnim preduzećima u Federaciji Bosne i Hercegovine ovo preduzeće dužno podnositi izvještaj Parlamentu Federacije o svom radu najmanje jedanput godišnje.

Izvještaj su razmatrala nadležna radna tijela i dostavila svoje izvještaje.

U raspravi niko nije učestvovao.

29. Izvještaj o finansijskoj reviziji Zavoda za zbrinjavanje mentalno-invalidnih osoba - Bakovići za 2016. godinu

Predsjedavajuća je istakla da je na osnovu člana 16. stava 1. Zakona o reviziji institucija u Federaciji Bosne i Hercegovine Ured za reviziju institucija u Federaciji dostavio Izvještaj o finansijskoj reviziji za 2016. godinu Zavoda za zbrinjavanje mentalno invalidnih osoba Bakovići.

Izvještaj su razmatrala nadležna radna tijela i dostavila svoje izvještaje.

U raspravi niko nije učestvovao.

30. Izvještaj o finansijskoj reviziji Federalnog zavoda za agropedologiju za 2016. godinu

Predsjedavajuća je istakla da je na osnovu člana 16. stava 1. Zakona o reviziji institucija u Federaciji Bosne i Hercegovine Ured za reviziju institucija dostavio Izvještaj o finansijskoj reviziji Federalnog zavoda za agropedologiju za 2016. godinu.

Izvještaj su razmatrala nadležna radna tijela i dostavila svoje izvještaje.

U raspravi niko nije učestvovao.

31. Prijedlog odluke usvajanja Analitičkog izvještaja o radu Fonda za zaštitu okoliša Federacije BiH za 2016. godinu

Predsjedavajuća je istakla da je Prijedlog odluke i Analitički izvještaj dostavio premijer Vlade Federacije Parlamentu Federacije radi razmatranja i usvajanja.

U raspravi niko nije učestvovao.

32. Prijedlog odluke o davanju saglasnosti na Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2016. godinu, - konsolidirani Izvještaj o izvršenju finansijskog plana Federalnog fonda solidarnosti za 2016. godinu Aneks I

Vlada Federacije dostavila je Prijedlog odluke o davanju saglasnosti na Izvještaj o izvršenju Finansijskog plana Zavoda zdravstvenog osiguranja i

reosiguranja Federacije BiH za 2016. godinu i Izvještaj o izvršenju finansijskog plana Federalnog fonda solidarnosti za 2016. godinu Aneks I radi razmatranja i donošenja.

Prijedlog odluke razmatrala su nadležna radna tijela i dostavila svoje izvještaje.

U raspravi niko nije učestvovao.

33. Izvještaj o radu „Sarajevoputevi“, d.d., Sarajevo za 2016. godinu

Predsjedavajuća je istakla da je Vlada Federacije dostavila Izvještaj o radu Sarajevoputevi d.d. Sarajevo za 2016. godinu radi razmatranja i prihvatanja.

Izvještaj su razmatrala nadležna radna tijela i dostavila svoje izvještaje.

U raspravi niko nije učestvovao.

34. Izvještaj o poslovanju BH Gas d.o.o. Sarajevo za 2016. godinu

Predsjedavajuća je istakla da je na osnovu člana 42. Statuta privrednog društva za proizvodnju i transport gasa BH Gas d.o.o. Sarajevo predviđeno da Skupština društva podnosi Parlamentu FBiH svoj godišnji izvještaj.

Nije bilo rasprave.

35. Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2016. godinu

Predsjedavajuća je obavijestila delegate da je Javno preduzeće „Željeznice Federacije BiH“, d.o.o. Sarajevo dostavilo godišnji Izvještaj o poslovanju za 2016. godinu, koje uključuje finansijski izvještaj, izvještaj revizora, Izvještaj o radu Nadzornog odbora, Izvještaj o radu Odbora za reviziju radi razmatranja i usvajanja.

Izvještaj je obrazložio Vahid Đozo, predstavnik preduzeća Željeznice Federacije BiH.

Izvještaj su razmatrala nadležna radna tijela i dostavila svoje izvještaje.

U raspravi su učestvovali Aner Žuljević i Mile Marčeta.

36. Strategija upravljanja dugom 2017-2019 godine

Strategiju upravljanja dugom dostavila je Vlada Federacije radi informisanja.

Nije bilo rasprave.

37. Prijedlog strategije razvoja drvne industrije Federacije Bosne i Hercegovine za period 2016. - 2025. godina,

Predsjedavajuća je istakla da je prijedlog strategije utvrdila Vlada Federacije i dostavila Parlamentu Federacije radi razmatranja i usvajanja. Također je obavijestila delegate da je Predstavnički dom u nastavku 28. vanredne sjednice razmatrao Prijedlog Strategije razvoja drvne industrije FBiH za period 2016.-2025. godina i tom prilikom usvojio Zaključak.

Prijedlog strategije su obrazložili Marinko Bošnjak, pomoćnik ministra za industriju u Federalnom ministarstvu energije rudarstva i industrije i pomoćnik ministra gospodin Stipe Buljan.

Prijedlog strategije razmatrala su nadležna radna tijela i dostavila svoje izvještaje.

U raspravi su učestvovali Aner Žuljević, Mile Marčeta, Draženka Subašić i Stipe Buljan.

38. Prijedlog strategije razvoja industrije građevinskog materijala Federacije Bosne i Hercegovine za period 2016. - 2025. godina

Prijedlog strategije razvoja industrije građevinskog materijala Federacije Bosne i Hercegovine za period 2016. - 2025. godina utvrdila je Vlada Federacije i dostavila Parlamentu Federacije radi razmatranja i usvajanja. Predstavnički dom Parlamenta Federacije obavijestio je Dom naroda Parlamenta Federacije da je u nastavku 28. vanredne sjednice održane 22. maja 2018. godine razmatrao Prijedlog strategije razvoja industrije građevinskog materijala Federacije Bosne i Hercegovine za period 2016. - 2025. godina i zaključkom ga usvojio.

Prijedlog strategije obrazložila je Eldara Jusić, stručna savjetnica za industriju građevinskog materijala i nemetala u Federalnom ministarstvu energije, rudarstva i industrije i ujedno članica Radne grupe koja je uradila Prijedlog strategije.

Prijedlog strategije razmatrala su nadležna radna tijela i dostavila svoje izvještaje.

U raspravi je učestvovala Draženka Subašić.

39. Prijedlog Strategije razvoja metalnog i elektro sektora Federacije Bosne i Hercegovine, za period 2016.-2025. godina

Predsjedavajuća je istakla da je Predstavnički dom obavijestio Dom naroda da je u nastavku 28. vanredne sjednice održane 22. maja 2018. godine razmatrao Prijedlog strategije razvoja metalnog i elektro sektora Federacije Bosne i Hercegovine za period 2016. - 2025. godina i zaključkom ga usvojio.

Prijedlog strategije obrazložio je gospodin Marinko Bošnjak.
U raspravi niko nije učestvovao.

40. Strategija upravljanja dugom 2018-2020. godine

Predsjedavajuća je istakla da je Strategiju upravljanja dugom dostavila Vlada Federacije radi informisanja.

Strategiju je obrazložila federalna ministrica finansija Jelka Milićević.

Strategiju su razmatrala nadležna radna tijela i dostavila svoje izvještaje.

U raspravi je učestvovao Aner Žuljević.

Nakon rasprave Dom se izjašnjavao o tačkama dnevnog reda.

18. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2016. godinu

Predsjedavajuća je predložila da Dom naroda usvoji sljedeći:

ZAKLJUČAK

Dom naroda Parlamenta Federacije BiH prihvata Izvještaj o izvršenju programa rada Agencije za reviziju privatizacije u Federacije BiH za 2016.godinu.

Na osnovu rezultata glasanja predsjedavajuća je konstatirala da je Dom naroda sa 32 glasa za i dva glasa protiv usvojio ovaj Zaključak.

19. Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije Bosne i Hercegovine za 2016. godinu i Izvještaj o izvršenju finansijskog plana za 2016. godinu

Predsjedavajuća je predložila da Dom naroda usvoji sljedeći:

ZAKLJUČAK

Dom naroda Parlamenta Federacije BiH prihvata Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije Bosne i Hercegovine za 2016. godinu i Izvještaj o izvršenju finansijskog plana Fonda za profesionalnu rehabilitaciju i zapošljavanje osoba sa invaliditetom Federacije Bosne i Hercegovine za 2016. godinu.

Na osnovu rezultata glasanja predsjedavajuća je konstatirala da je Dom naroda sa 31 glasom za i tri suzdržana glasa usvojio ovaj Zaključak.

20. Izvještaj o radu Federalnog zavoda za zapošljavanje za 2016. godinu

Predsjedavajuća je predložila da Dom naroda usvoji sljedeći:

ZAKLJUČAK

Dom naroda Parlamenta Federacije BiH prihvata Izvještaj o radu Federalnog zavoda za zapošljavanje za 2016. godinu.

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 31 glasom za, jednim glasom protiv i četiri suzdržana glasa usvojio ovaj Zaključak.

21. Kvartalni izvještaj o dugu za 2017. godinu

Kvartalni izvještaj o dugu Q1/2017

Kvartalni izvještaj o dugu Q2/2017

Kvartalni izvještaj o dugu Q3/2017

Kvartalni izvještaj o dugu Q4/2017

Predsjedavajuća je konstatirala da je Dom naroda Parlamenta Federacije BiH kvartalne izvještaje o dugu Q1, Q2, Q3 i Q4 za 2017. godinu primio k znanju.

22. Izvještaj o radu Agencije za bankarstvo Federacije Bosne i Hercegovine za 2016. godinu,

Informacija o bankarskom sistemu Federacije Bosne i Hercegovine na dan 31.12.2016. godine,

Informacija o mikrokreditnom sistemu Federacije Bosne i Hercegovine sa stanjem na dan 31.12. 2016. godine,

Informacija o sektoru lizinga Federacije Bosne i Hercegovine sa stanjem na dan 31.12. 2016. godine,

Izvještaj o radu samostalnog odjela Ombudsmena za bankarski sistem Federacije Bosne i Hercegovine za period 1.1.2016. - 31.12. 2016. godine

Predsjedavajuća je predložila da Dom naroda usvoji sljedeći:

ZAKLJUČAK

Dom naroda Parlamenta Federacije BiH usvaja Izvještaj o radu Agencije za bankarstvo Federacije BiH za 2016. godinu sa informacijom o bankarskom sistemu Federacije BiH na dan 31.12.2016. godine, Informacijom o mikrokreditnom sistemu Federacije BiH, sa stanjem na dan 31.12.2016. godine, Informacijom o sektoru lizinga Federacije BiH sa stanjem na dan 31.12.2016. godine, Izvještajem o radu samostalnog ombudsmena za bankarski sistem FBiH od 1. januara 2016. godine do 31. decembra 2016. godine.

Na osnovu rezultata glasanja predsjedavajuća je konstatirala da je Dom naroda sa 30 glasova za i pet suzdržanih glasova usvojio ovaj Zaključak.

23. Izvještaj o zaduženju Federacije Bosne i Hercegovine po osnovu emisije trezorskih zapisa na dan:

- a) Izvještaj o zaduženju Federacije Bosne i Hercegovine po osnovu emisije trezorskih zapisa na dan 11.4., 25.4. i 9.5. 2017. godine
- b) Izvještaj o zaduženju Federacije Bosne i Hercegovine po osnovu emisije trezorskih zapisa na dan 23.5.2017. godine
- c) Izvještaj o zaduženju Federacije Bosne i Hercegovine po osnovu emisije trezorskih zapisa na dan 13.6.2017. godine
- d) Izvještaj o zaduženju Federacije Bosne i Hercegovine po osnovu emisije trezorskih zapisa na dan 17.10.2017. godine

- e) Izvještaj o zaduženju Federacije Bosne i Hercegovine po osnovu emisije trezorskih zapisa na dan 7.11.2017. godine
- f) Izvještaj o zaduženju Federacije Bosne i Hercegovine po osnovu emisije trezorskih zapisa na dan 14.11.2017. godine
- g) Izvještaj o zaduženju Federacije Bosne i Hercegovine po osnovu emisije trezorskih zapisa na dan 28.11.2017. godine
- h) Izvještaj o zaduženju Federacije Bosne i Hercegovine po osnovu emisije trezorskih zapisa na dan 12.12.2017. godine

Predsjedavajuća je konstatirala da je Dom naroda Parlamenta Federacije BiH Izvještaj o zaduženju FBiH po osnovu emisije trezorskih zapisa od 11. aprila, 25. aprila, 9. maja, 23. maja, 13. juna, 17. oktobra, 7. novembra, 14. novembra, 28. novembra i 2. decembra 2017. godine primio k znanju.

24. Izvještaj o zaduženju Federacije Bosne i Hercegovine po osnovu emisije obveznica na dan 27.12.2017. godine

Predsjedavajuća je konstatirala da je Dom naroda Parlamenta Federacije BiH primio k znanju Izvještaj o zaduženju Federacije BiH po osnovu emisije obveznica na dan 27. decembra 2017. godine.

25. Godišnji izvještaj Visokog sudskog i tužilačkog vijeća Bosne i Hercegovine za 2016. godinu

Predsjedavajuća je konstatirala da je Dom naroda Parlamenta Federacije BiH primio k znanju Godišnji izvještaj Visokog sudskog i tužilačkog vijeća Bosne i Hercegovine za 2016. godinu.

26. Godišnji izvještaj o stanju poljoprivrede u Federaciji Bosne i Hercegovine za 2016. godinu (Zeleni izvještaj)

Na osnovu rezultata glasanja predsjedavajuća je konstatirala da Dom naroda Parlamenta Federacije BiH nije prihvatio Godišnji izvještaj o stanju poljoprivrede u Federaciji Bosne i Hercegovine za 2016. godinu (Zeleni izvještaj), jer je za glasalo 16 delegata, 10 delegata je bilo protiv i 11 delegata je bilo suzdržano.

27. Odluka o usvajanju Izvještaja o poslovanju dioničkog društva BH Telecom za period I – XII 2016. godine

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 29 glasova za i četiri suzdržana glasa usvojio Izvještaj o poslovanju dioničkog društva BH Telecom za period I - XII 2016. godine.

28. Izvještaj o poslovanju Javnog preduzeća Međunarodni aerodrom „Sarajevo“, d.o.o Sarajevo za 2016. godinu

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 30 glasova za i tri suzdržana glasa usvojio Izvještaj o poslovanju Javnog preduzeća Međunarodni aerodrom „Sarajevo“, d.o.o Sarajevo za 2016. godinu.

29. Izvještaj o finansijskoj reviziji Zavoda za zbrinjavanje mentalno-invalidnih osoba - Bakovići za 2016. godinu

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 35 glasova za i dva suzdržana glasa usvojio Izvještaj o finansijskoj reviziji Zavoda za zbrinjavanje mentalno-invalidnih osoba - Bakovići za 2016. godinu.

30. Izvještaj o finansijskoj reviziji Federalnog zavoda za agropedologiju za 2016. godinu

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 34 glasa za, jednim glasom protiv i tri suzdržana glasa usvojio Izvještaj o finansijskoj reviziji Federalnog zavoda za agropedologiju za 2016. godinu.

31. Analitički izvještaj o radu Fonda za zaštitu okoliša Federacije BiH za 2016. godinu

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 33 glasa za, četiri glasa protiv i dva suzdržana glasa donio Odluku o usvajanju Analitičkog izvještaja o radu Fonda za zaštitu okoliša Federacije BiH za 2016. godinu.

32. Prijedlog odluke o davanju saglasnosti na Izvještaj o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2016. godinu (konsolidovani) i Izvještaj o izvršenju Finansijskog plana Federalnog fonda solidarnosti za 2016. godinu (Anex I)

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 35 glasa za i tri suzdržana glasa donio Odluku o davanju saglasnosti na Izvještaj o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2016.

godinu (konsolidovani) I Izvještaj o izvršenju Finansijskog plana Federalnog fonda solidarnosti za 2016. godinu (Anex I).

33. Izvještaj o radu „Sarajevoputevi“, d.d., Sarajevo za 2016. godinu

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 30 glasova za, jednim glasom protiv i sedam suzdržanih glasova prihvatio Izvještaj o radu "Sarajevoputevi" d.d. Sarajevo za 2016. godinu.

34. Izvještaj o poslovanju BH Gas d.o.o. Sarajevo za 2016. godinu

Na osnovu rezultata glasanja predsjedavajuća je konstatirala da Dom naroda Parlamenta Federacije BiH nije prihvatio Izvještaj o poslovanju BH Gas d.o.o. Sarajevo za 2016. godinu jer je za glasalo 26 delegata, pet delegata je bilo protiv a sedam delegata je bilo uzdržano.

S obzirom da je izražena sumnja u rezultate glasanja, sekretar Doma naroda Izmir Hadžić je izvršio poimenično izjašnjavanje.

Na osnovu rezultata poimeničnog izjašnjavanja predsjedavajuća je konstatirala da je Dom naroda Parlamenta Federacije BiH sa 31 glasom za, četiri glasa protiv i sedam suzdržanih glasova prihvatio Izvještaj o poslovanju BH Gas d.o.o. Sarajevo za 2016. godinu.

35. Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2016. godinu

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 31 glasom za i 10 suzdržanih glasova prihvatio Godišnji izvještaj o poslovanju JP Željeznice Federacije BiH za 2016. godinu.

36. Strategija upravljanja dugom 2017-2019 godine

Predsjedavajuća je konstatirala da je Dom naroda Parlamenta Federacije BiH Strategiju upravljanja dugom za 2017-2019 primio k znanju.

37. Prijedlog strategije razvoja drvne industrije Federacije Bosne i Hercegovine za period 2016. – 2025. godina

Predsjedavajuća je predložila sljedeći:

ZAKLJUČAK

- 1. Usvaja se Strategija razvoja drvne industrije Federacije Bosne i Hercegovine za period 2016. - 2025. godina.**
- 2. Ovaj Zaključak objavljuje se u Službenim novinama Federacije BiH.**

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 30 glasova za i 11 suzdržanih glasova usvojio ovaj zaključak.

38. Prijedlog strategije razvoja industrije građevinskog materijala Federacije Bosne i Hercegovine za period 2016. - 2025. godina

Predsjedavajuća je predložila sljedeći:

ZAKLJUČAK

- 1. Usvaja se Strategija razvoja industrije građevinskog materijala Federacije Bosne i Hercegovine za period 2016. - 2025. godina.**
- 2. Ovaj Zaključak objavljuje se u Službenim novinama Federacije BiH.**

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 31 glasom za i šest suzdržanih glasova usvojio ovaj zaključak.

39. Prijedlog Strategije razvoja metalnog i elektro sektora Federacije Bosne i Hercegovine, za period 2016.-2025. godina

Predsjedavajuća je predložila sljedeći:

ZAKLJUČAK

1. Usvaja se Strategija razvoja metalnog i elektro sektora Federacije Bosne i Hercegovine, za period 2016.-2025. godina.
2. Zadužuju se Vlada Federacije Bosne i Hercegovine i Federalno ministarstvo energije, rudarstva i industrije, da u saradnji sa svim navedenim institucijama u dokumentu, u roku od tri mjeseca dostave Parlamentu Federacije Bosne i Hercegovine akcioni plan implementacije Strategije razvoja metalnog i elektro sektora, sa jasno definiranim nositeljima aktivnosti i rokovima za period 2017. - 2025. godine, radi razmatranja i usvajanja.
3. Ovaj Zaključak objavljuje se u "Službenim novinama Federacije BiH".

Na osnovu rezultata glasanja predsjedavajuća je konstatirala da je Dom naroda Parlamenta Federacije BiH sa 30 glasova za i osam suzdržanih glasova usvojio ovaj Zaključak.

40. Strategija upravljanja dugom 2018-2020. godine

Predsjedavajuća je konstatirala da je Dom naroda Parlamenta Federacije Strategiju upravljanja dugom 2018-2020. primio k znanju.

Sjednica je završena u 14:44 sati.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALA

Lidija Bradara